

ксін Алексіевичѣ. На литургіи подяки пѣли: Со святыми (у)покой, и въ выличкѣ: Вѣчная память, и ектенія за упокой, и по заамвоннѣй молитвѣ литіа.

Мѣсяць февруарій.

(31 об.) 2-е число ко всенощному благовѣсть за 7 часовъ; съ провозденіемъ и чиномъ праздникъ.

3-е число ради вманинъ царевны Анны Іоанновны звонъ поліелейной; служба рядъ со славословіемъ; по литургіи молебень соборнѣ.

12 число поліелей Алексію митрополиту. 17 число аще случится въ пятокъ 1-я седмицы, поется ему въ той день, а въ субботу чудо о коливѣ; поется въ тріоди.

24-е число аще случится въ постъ, поется поліелей по уставу. Къ вечерни звонъ безъ болшаго во вся. Облаченіе постное; отпустъ изъ дверей царскихъ; литіа за упокой не бываетъ. Къ повечерію благовѣсть во вседневной и звонъ. Къ часомъ благовѣсть въ поліелейной не часятъ. Къ вечерни для презесвященной архіерейское пришествіе бываетъ; звонъ безъ болшаго во вся.

Мѣсяць мартъ.

(л. 32) 40 мученикъ поется по уставу. 716-го году прилучися въ пятокъ 4-я недѣли поста. Канонъ креста чтець въ понедѣльникъ; прочее пѣли поліелей святымъ въ пятокъ; кресту поклоны по часѣхъ.

17 число празднуется со всенощнымъ по храмовой главѣ ради иманинъ благороднаго государя царевича и великаго князя Алексія Петровича. Аще есть постъ, къ вечерни звонъ безъ болшаго во вся; къ повечерію благовѣсть во вседневной. И поется соборнѣ молебень Богородицѣ; по молебнѣ отходить архіерей въ домъ свой. Звонъ часъ въ два колокола; поется малое повечеріе. Ко всенощному благовѣсть большой за 7 часовъ. Поется неимонъ; чинъ начала, якоже Рожества Христова. Въ литію стихира храма, Слава святаго: Тихое твое отче, и нынѣ богородичень воскресень; стиховна по общей минеи Христа ради уродивымъ и прочее по уставу. Архіерей на всенощномъ и на величаніи облачается и на хвалитѣхъ цѣлованіе образа. На величаніи поется: Ублажаемъ тя, человекъ Божій Алексіе, и прочее. Въ концѣ утрени, по ектеніи и по возгласѣ, протодіаконъ: Премудрость, и Утверди Боже, и 3 поклоны великіе, и чтець: Приидите и часъ 1 съ каеисмой. Въ концѣ пѣвчіе поють: Возбранной; отпустъ изъ дверей

царскихъ и многолѣтны. Посылается же священникъ со діакономъ во храмъ святаго, иже на вратѣхъ градскихъ, и поютъ всенощное или утреню. Въ часамъ благовѣсть въ поліелей въ началѣ 4-го часа; на часѣхъ чтение отъ житія святаго. Въ вечерни благовѣсть въ болшой по указу; въ то время во храаѣ святаго по часѣхъ протопопъ воду святить. Архіерейское пришествіе бываетъ во храмъ святаго со звономъ; встрѣчаетъ протопопъ со крестомъ. И творитъ архіерей входъ и облачается ¹⁾ во вся. (32 об.) Звонъ бываетъ соборной. По облаченіи священники приходятъ отъ олтара на своя мѣста и поклоняются архіерею. И творится начало вечерни, якоже въ навечеріи Рождства Христова, даже до паремій. По прокименѣ второмъ архіерей, въ правой руцѣ держа кадило, въ лѣвой же трикиріе, глаголетъ: Премудрость, прости и къ народу, осѣняя, глаголетъ: Свѣтъ Христовъ, и паремія. На Да исправятся священники на колѣнехъ молятся по чину; архіерей держа кадило и трикиріе. По сихъ отворяютъ дверь, и 3 поклоны. И отходитъ архіерей къ горнему мѣсту, и бываетъ прокимень; апостоль и евангеліе святаго по чину литургійному. На Нынѣ силы архіерей умываетъ руцѣ; діакопъ кадитъ престоль и предложеніе и архіереа. И молится архіерей, глаголя 3-жды: Нынѣ силы; приходитъ къ предложенію, кадитъ 3-жды, возлагаетъ воздухъ на плечо протодіакону. И отъ первыхъ сослужащихъ ²⁾, поклонився архіерею, цѣлуетъ руку и дискось полагаетъ на главу; единъ діакопъ держа того подъ руку; ина же отъ сослужащихъ ³⁾ приемиетъ чашу и прочая лжицу, копіе. Егда же пріндутъ къ дверемъ, архіерей кадитъ святыи дискось; приемиетъ, вноситъ на престоль, ничто же глаголетъ. Съ чашею же входитъ во олтаре, и приемиетъ архіерей у престола. И прочее все по чину совершается; точію Отче нашъ правой ликъ приемиютъ. Лѣвый ликъ: Вкусите и видите; правый: Въ память. По отпустѣ литургіи поютъ соборнѣ архіерей молебень, аще въ вечеръ не былъ, Богородицѣ: Воду просишь и святаго. Въ соборѣ отправляютъ протопопъ или чредный; такожде и молебень. Приѣздъ архіерею въ соборѣ со звономъ, и соборные приходятъ со святою водою. На вечеръ повечеріе великое съ поклоны. (л. 33) Облаченіе на сей праздникъ бываетъ бѣлое или красное цвѣтное. 719 прилучися быти вторникъ ⁴⁾ 6-я недѣли поста; въ соборѣ рядъ. По часѣхъ благовѣсть болшой полчаса и звонъ 3 часа во вся для храма на вратѣхъ. И былъ молебень, водосвященіе и вечерня съ предсвещенною.

Въ предпразднство Благовѣщенія Богородицы звонъ въ четыре.

¹⁾ облаченіе. ^{2—3)} служащихъ. ⁴⁾ прилучися во вторникъ.

Налой съ праздничнымъ образомъ поставляется; поется по уставу; преждесвященная не бываетъ.

24-е число къ вечерни звонъ безъ болшаго во вся; прочихъ же архіереевъ указъ: звонъ во вся зъ болшимъ. И бываетъ архіерейское пришествіе въ соборъ; облаченіе бѣлое и преждесвященная. Къ повечерію благовѣсть въ постной за полтора безъ звона. Ко всеношному благовѣсть за пол 8 часа. Поется великое повечеріе чиномъ, якоже на Рождество Христово. Въ литію и на величаніе архіерею облаченіе, и на хвалитѣхъ цѣлованіе образа. Стиховна; по ектеніи: Утверди Боже, 3 поклоны, и часъ 1 съ каеисмою, и отпустъ изъ дверей, и многолѣтны, и провожденіе. Къ часомъ благовѣсть въ поліелей въ началѣ 4-го часа безъ звона. Чтеніе праздника въ прологу. По отпустѣ часовъ благовѣсть болшой; въ пришествіе звонъ во вся. Входъ и облаченіе по чину и творится все, якоже въ навечеріе Рождества, вечерня и литоргія; въ литоргію бываетъ запасный Агнецъ къ преждесвященной.—710-го года Благовѣщеніе прилучися въ субботу 5 акависта; поется по уставу. Ко всеношному благовѣсть за 7 часовъ. Въ началѣ 1-й стихологій поставляютъ образъ Благовѣщенія на амбонѣ и отворяютъ дверь. Кадить протопопъ по чину церковь, архіерея и лики, токмо малымъ кажденіемъ. По кажденіи входитъ архіерей во олтарь и облачается и, пришедь на средѣ церкви, раздаетъ свѣщи. На 2-й стихологій кадитъ протодіаконъ. По 2 статьи чтеніе не было, но абіе архіерей восходитъ на облачалное мѣсто. Поется поліелей; свѣщъ роздача не была, зане вначалѣ бысть. На величаніи архіерей кадилъ всю церковь. Евангеліе архіерей Богородицѣ ту же челъ. И по Спаси Боже, по возгласѣ, относится налой паки на амвонъ и прочее по обычаю.—716 года праздникъ Благовѣщенія случися быти въ недѣлю Вайй. Указалъ архіерей въ недѣлю 5-ю поста цѣть на Господи возвахъ стихиры воскресны 6, Богородицѣ Благовѣщенію малыя вечерни 4 и Слава и нынѣ догматикъ. Въ литію стихира храма, стиховна воскресна; Слава и нынѣ Благовѣщенію малыя вечерни на стихъ Богородице Дѣво 3-жды; на Богъ Господь тропарь воскресень 2-жды, Слава и нынѣ: Повелѣнное. На налой образъ былъ Грузинскія. Каноны воскресень со ирмосомъ 4 ¹⁾ и Богородицѣ 2, Благовѣщенія попразднства ²⁾ 4, тріоди 4. По 3-й пѣсни кондакъ и икосъ Богородицѣ, Слава и нынѣ сѣдалень; свѣтиленъ воскресень, Слава и нынѣ Благовѣщенія. На хвалитѣхъ стихиры воскресень ³⁾ 5, Благовѣщенія малыя вечерни стиховенныя 3 со стихи; тажъ стихъ: Воскресни Господи въ тріоди и славникъ ⁴⁾. На

¹⁾ на 4. ²⁾ попразднства. ³⁾ воскресны. ⁴⁾ и слава.

часѣхъ тропарь воскресенья и Повелѣнное; кондаки премѣнная. Прокимень апостола и евангелія воскресенья и Богородицѣ: Величить, апостоль и евангеліе Богородицѣ акаѣистъ, заже по праздниство Богородицѣ въ понедѣльникъ страстный не поется. Въ Благовѣщеніе въ недѣлю Ваіи ко всенощному благовѣсть за 7 часовъ. Пѣли по уставу, токмо на поліелей поставляли два образа на налоехъ: Благовѣщенія и Ваіи и вербы съ лампы. Праваго лика головшикъ прогѣвъ величаніе Ваіи, тажъ лѣваго лика головшикъ поетъ величаніе Благовѣщенія; по сихъ праваго лика поютъ со стихи величаніе Ваіи, лѣваго жъ лика со стихи поютъ Благовѣщенію; послѣднее же оба лика вкупѣ. Евангеліе Ваіи чель архіерей; по евангеліи относили образы на мѣста своя. Пришедь, архіерей чель ¹⁾ молитву надъ вербою и цѣловаль евангеліе и роздавалъ вербы; евангеліе держаль протопопъ. На хвалитѣхъ цѣлованіе двохъ праздниковъ образы. На литоргіи антѣоны праздника Ваіи; прочее по уставу.

Мѣсяць априль.

(л. 34) 17 число Зосимѣ Соловецкому поліелей; въ свѣтлую же недѣлю овогда праз(днуется), овогда же относится на Ооину недѣли; бываетъ по указу.

23-е число великомученику Георгію поется по уставу.

27-е число помяновеніе о царѣ Феодорѣ Алексіевичѣ, память преставленія его. И бываетъ сіе по приличеству дней; овогда же относится до іунія 8-го числа.

Мѣсяць маіи.

2-е число Аѣанасіа Великаго прилучися въ среду; пѣли со отда-ніемъ преполовенія по Георгіевской главѣ.

3-е число поется поліелей Феодосію Печерскому.

8-е число Богослову поется со всенощнымъ; прочихъ архіереевъ указъ: купно пѣть и Арсенію, по Московскому обычаю.

9-е число Николаю со всенощнымъ и для мощей поется купно и Христофору мученику, якоже и Богослову со Арсеніемъ. И при Рафаилѣ архіепископѣ правый ликъ поетъ Николаю величаніе, лѣвый же Христофору; нынѣ же Христофору величаніе отложися, токмо канонъ и стихиры. 715 года отъ сего числа даже до Преображенія благовѣсть ко всенощному съ отдачи часовъ; благовѣсть къ литоргіи съ сего числа до поста Петрова съ полчетвертаго часа.

¹⁾ чететь.